

ENNAAN AN RITŌL AN ERIA

Kwoj lakwe Eō Ke?

Jān Elder Glen Burgess



Elder Glen Burgess



Ke rikaļoor ro raar itok itak ippān Rilomqoor eo nān parijet ko an Casearea Philippi, Jisōs eaar kajjitōk ippāer, “Wōn Nā, ilo an armej kōnono?”¹ Piter eaar uwaak im ba, “Kwe Ri Kraist, Nejin Anij e mour.”² Innām ilo lqjet in Tiberias, kiiō jerkakpeje Kraist ej kajjitōk ippān Piter, “Kwōj yokwe Eō eļap jān rein ke?”³ Uwaak eo an Piter ekajoor, “Aet, Irooj; Kwō jeļā Ij yokwe eok.”⁴

Piter eaar jeļā kōn Jetōb Kwojarjar eo bwe Jisōs eaar RiKraist eo. Eaar bōk revelesōn eo an make, im menin eaar erom kaṃpool im naan in kaṃpool eo an make. Rilomqoor eo eaar jeļā menin ilo An ba “Kwōj mōṃōṃō Saimōn, nejin Jona: bwe kanniōk im bōtōktōk raar jab katakin eok kake, a Jema ej pād i lañ.”⁵ Ālkin an Piter kar kile iakwe eo an nān Rilomqoor eo, Jisōs eaar uwaake

kōn keañ eo, “Kwōn naajdik Aō sip.”⁶ Nān jermal nān Rilomqoor eo ad ej nān iakwe E, im nān iakwe E, ej nān jeļā E.

Iiō eo ļok ilo Eprōļ Kweilok eo Eļap, Būreejtōn Russell M. Nelson eaar kōjeļļā kōn juon jekjek ekāāl im ekkwojarjarļok nān ekōjkan ad kea im jermal in karejar nān ro jet. Eaar ba, “Irooj ekar kōmṃman oktak ko ilo wāween eo jej kea kōn doon.”⁷ Innām ilo Oktoba Kweilok eo Eļap, Būreejtōn Nelson eaar kōjeļļā kōn ijino eo an “kōn juon *jikin-kabuñjar ilo Mweo im Kabuñ-ej bōk jipān* im karōk nān ekkatak katak ko, kōkajoorļok tōmak, im kōjparok eļapļok kabuñjar an juon make.”⁸

Ke Piter eaar wōnṃmanļok nān kōļapļok tōmak eo an make, Rilomqoor eo eaar ba nān e, “Nē emōj am bar oktak, kwōn kakajoor ro jeim im jatūm.”⁹ Kōjeļļā eo an Būreejtōn Nelson kōn mṃweo, pedped wōt ioon ekkatak katak eo im jekjek eo ekāāļok, ekkwojarjarļok nān kea kōn im jermal in karejar nān ro jet, ekōtļok bwe jān kōmṃmane lukkuun men ko ruo Kraist eaar kajjitōk ippān Piter.

Mōktata, jej aikuj kōļapļok oktak eo ad make nān Rilomqoor Jisōs Kraist. Meñe ilo jikejuuļ in kweilok in jar ilo Jabōt eaar jilu awa ko ak enaaj kiiō ruo, ej ilo lowaan mōko imōd make me jenaaj bōk eļap an oktak eo ad make im kareel eo.

Būreejtōn James E. Faust (1920–2007) eaar ba, “Eļaññe jej lukkuun in

kōṃnaan bwe imōko imōd ren jikin ko rekwojarjar, enaaj ļapļok ad kajieoñ nān kōmṃmani men ko me rej koketak nān Jetōb eo an Irooj.”¹⁰ Kein jipān eo an Kabuñ in, “Itok, ļoor Eō—Nān Kajjojo Armej im Baamle ko” ej ejaak nān jipān kōj kōkōmṃmanļok ad ekkatak gospel eo, meñe kōn kōj make ak ippān baamle eo ad.

Nē kwaļok kadkad in jabdewōt ukotak ko rekāāl nān juon jikejuuļ an juon make ak baamle, emaroñ itok kōn kapañpañ ko an make. Meļeļe menin, Būreejtōn Nelson eaar letok nān kōj kaenōmṃman in: “Ij kallimūr bwe ilo ami niknik jermal nān bar kōkāāl mṃweo imōmi nān juon jikin ekkatak gospel eo, ilo iien ko raan in Jabōt ko ami renaaj emool erom laudiñdiñ. Ajri ro nejimi renaaj itok limoier nān ekkatak im nān mour kōn katak ko an Rilomqoor eo, im kareel eo an rikapo eo ilo mour eo ami im ilo imōko imōmi enaaj dikļok. Oktak ko ilo baamle eo ami renaaj erom jelet im rejtake.”¹¹

Mōttan eo kein karuo kōn kōmeļeļe eo nān Piter eaar nān kōkajoorļok ro jeim im jatin. Kiiō jej aolep kōnono kake menin āinwōt “jermal in karejar”. Elder D. Todd Christofferson eaar ba jermal in karejar ej, “rikaļoor, jej ļoor Rilomqoor eo, jej kajieoñ nān kōmṃmane ta eo Shepherd eo Emṃman eaar kōmṃmane, im ļoor waanjoñak eo me Eaar kwaļoke im katak eo ad ej nān

loor Kraist im erom rikaloor ro An ilo lukkuun jekjek eo”¹². Ilo ad kōlaplōk nememe ko āinwōt an Kraist ilo kōj make, eddo eo kōn ijjitōn ko ad an jerbāl karejar eo renaaj āinwōt jab eddo, bōtaab ijellōkin, naaj eñjake ikdeelel im erom jimor jeraamman im kūrmoool.

Ta eo Kraist eaar kōnono kake ke Eaar kōjerbāl naan eo “rein”, ke Eaar kajitōk ippān Piter, “Kwōj yokwe Eō eļap jān ‘rein’ ke?”¹³ Ej kōnono kōn poub ko im ebar lōn kareel ko ilo mour ko ad, me rej jiāe nān iien im mād eo ad.

Elder Christofferson eaar ba, “Nān kattōt dim im pen kōn Tōmak ilo Kraist ebōk bwe gospel eo an Jisōs Kraist en imwe būruwōn im an, meļeļein bwe gospel eo ejjab imwe wōt elōn jekjek ko ilo mour an juon armejak ej ba kajijen mour im piktokin mour eo an.”¹⁴ Ilo ad kōlaplōk naan in kaṃool eo ad ilo Kraist, oktak eo ad ej erom lōke eo ad. Innām jemaroñ uwaak āinwōt Piter eaar im dim ilo ba, Aaet Irooj, kwojēļā bwe ij iakwe eok, bwe kwe RiKraist eo, nejin Anij eo emour. ■

KAKEEMEMEJ KO

1. Matu 16:15.
2. Matu 16:16.
3. Jon 21:15.
4. Jon 21:15.
5. Matu 16:17.
6. Jon 21:16.
7. Russell M. Nelson, “Jen Wōnmaanlōk Wōt”, Eprōl 2018 Kweilōkeo Eļap.
8. Russell M. Nelson, “Naan in kōppelōk ko”, Oktoba 2018 Kweilōk eo Eļap.
9. Luk 22:32.
10. James E. Faust, “Stand in Holy Places”, April 2005 General Conference.
11. Russell M. Nelson, “Becoming Exemplary Latter-day Saints”, Oktoba 2018 Kweilōk eo Eļap.
12. Gospel Library/ Leaders/Ministering/ Effective Ministering/Why We Minister.
13. John 21:15.
14. D. Todd Christofferson, “Dim im Pen Kōn Tōmak Ilo Kraist”, Okotba 2018 Kweilōk eo Eļap.

Oktak eo Emwilaļ im Aitok Kitien nān Jemedwōj Ilañ im Irooj Jisōs Kraist¹

Jān Elder Quentin L. Cook

Jibadbad eo ad ej nān kajukkun wōt juon eñjake ko an Kabuñ im mweo ilo juon wāween me enaaj kanooj kōlaplōk tōmak im men ilo jetōb im kaṃwilaļlōk oktak eo.

Āinwōt Būreejtōn Russell M. Nelson kar aiboojoj im kajoor an kar ba, ritōl ro an Kabuñ in rekar jerbāl ilo juon tōre aitok kōn “karōk in *rejtak an pedped ilo mweo* im *Kabuñ* nān ekkatak katak eo, kōkajoorlōk tōmak, im kōkōmanmanlōk eļaplōk kabuñ-jar an juon make.” Innām Būreejtōn Nelson eaar kōjjeļlā kōn kakobaba eo nān bōk “juon jokkun wōt juon im ekāal ikōtaan katakin gospel eo ilo mweo im ilo Kabuñ eo.”

Nān kadedeļōk jibadbad kein—kar kōmeļeļeik jān im iumwin tōl eo an Būreejtōn Russell M. Nelson im loor jokālet eo an Kōonjeļ eo an Būreejtōnji eo Kein Kajjuon im Doulul eo an Joñouluuo Rijilōk ro—jikejuuļ in kweilōk ilo Jabōt renaaj aikuj oktak ilo wāween kein, jino jān Jānwōde in 2019.

Jikejuuļ in Kweilōk eo ilo Jabōt

Kweilōk ko an Jabōt an Kabuñ renaaj koba in 60-minit kweilōk in kwojkwoj eo kajjojo Jabōt, pedpedioon Rilqmōor eo, kaiñi eo an kwojkwoj eo, ennaan ko ilo jetōb. Ālkin iien emmakūtļōk nān kūlaaj ko, ro uwaan Kabuñ in renaaj pād ilo 50-minit kūlaaj me enaaj okoktak kajjojo Jabōt:

- Jabōt Jikuuļ enaaj kōmman ilo Jabōt juon im jilu ilo juon allōn.



Elder Quentin L. Cook

- Doulul ko an Priesthood, Doulul eo an Kōrā ro, im kweilōk ko an Doulul eo an Jiroñ ro enaaj kōmman ilo Jabōt ruo im emān.
- Kweilōk ko ilo Jabōt ļalem renaaj iumwin tōl eo an bisop eo.

Būraimere eo enaaj kōmman kajjojo wiik ilo ejja 50-minit iien eo im enaaj kōjjemļōk kōn iien al im kūlaaj ko.

Ikkijien jikejuuļ in kweilōk ilo Jabōt, ritōl ro eto aer jerbāl an Kabuñ in raar jeļā iumwin elōn iio ko bwe nān jet iaan membōr ro ad raorōk, jikejuuļ eo kōn jilu awa ilo Jabōt ilo mōn jar eo emaroñ in pen. Menin emool eļaptata nān maṃa im baba ro ippān ajri ro reddik, ajri in Būraimere ro, membōr ro rōrūtto, rioktak ro rekāal, im ro jet.

Bōtaab ekanooj in ļapļōk jān oktak in jān kōkaduukļōk jikejuuļ eo an imōn jar ko ilo Jabōt. Būreejtōn Nelson eaar

kile kōn kamṃoolol ewi joṅak eo emōj kar kadedeļok ainwōt juon tōprak in tiljek eo ami nān kajjitōk ko imāanļok. E, im aolepān ritōl ro an Kabuñ in, ikdeelel nān bōktok eļapļok lañlōñ an gospel eo—nān ro jinen im jemen, ajri ro, jodikdik ro, ro ejeļok karejaer, rūtto ro, rioktak ro rekāal, im armej ro mijenede ro rej katakin—kōn kijejeto in rie eo ejokkun wōt juon an pedped ilo mṃweo im rie an Kabuñ eo. Jibadbad ko im kōjeraamṃan ko rej pād ilo oktak in im oktak ko jet imāanļok ekoba kein rej ellaajrak:

- Kamwilalļok oktakļok eo nān Jemedwōj Ilañ im Irooj Jisōs Kraist im kōkajoorļok tōmak ilo Er.
- Kōkajoorļok kajjojo armej im baamļe ko kōn laajrak in kein katakin eo rie an pedped ilo mṃweo, Kabuñ eo me ej kōketak nān mour lañlōñ kōn gospel eo.
- Kautiej raan in Jabōt, kōn juon ellowetak ilo kaiñi eo an kwoj-kwoj eo.
- Jipañ aolep ajri ro nejin Jemedwōj Ilañ ilo jimor turejet ko an rōñōl eo kōn jermal in mijenede im bōk kaiñi ko im bujen ko im kōjeraamṃan ko an tampeļ eo.

Pedped ilo Mṃweo, Rie Jān Kabuñ Ekkatak Gospel eo

Jikejuuļ an Jabōt in ej letok eļapļok iien nān juon nokon in jota im nān ekkatak gospel eo ilo mṃweo ilo Jabōt ak ilo iien ko jet ainwōt an kajjojo armej im baamļe ko maroñ kālet. Juon maṃkūt-kūt in jota an baamļe maroñ kōmṃan ilo Jabōt ak ilo iien ko jet. Kōn un in, ritōl ro rej aikuj wōnṃaanļok wōt nān dāpij wōt an ejeļok jabdewōt kweilok

im maṃkūt-kūt ko ilo joṅteen Mānde ko. Ijowōt ke, iien eo joļok ilo joteen nokon, ekkatak gospel eo, im maṃkūt-kūt ko nān kajjojo armej im baamļe ko remaroñ in jikejuuļ ekkar nān jekjek ko aer kajjojo.

Ekkatak gospel eo an baamļe im kajjojo ilo mṃweo enaaj kanoj lap an kōkōmṃanļok an kajokkun wōt juon ippān laajrak in kein katakin eo im eo ekāal *Itok, Łoor Eō* kein jipañ eo Nān Kajjojo Armej im Baamļe ko me ej ekkel ippān ta eo ej katakin ilo Jabōt Jikuuļ im Būraimere. Ilo Jānwōde, jodikdik ro an Kabuñ in im Jabōt Jikuuļ eo an rūtto im kūlaaj ko an Būraimere renaaj ekkatak kōn Kallimur Ekāal. Kein ekkatak eo ilo mṃweo ekāal *Itok, Łoor Eō* kein jipañ eo nān kajjojo armej im baamļe ko—ebarainwōt kōbare Kallimur Ekāal—ej ejaak nān jipañ membōr ro katak gospel eo ilo mṃweo. Ej kōmeļeļeki: “Kein jipañ in ej nān aolep kajjojo armej im baamļe ilo Kabuñ in. Kar kōmṃane nān jipañ [kōj kajejetļok] ad ekkatak gospel eo—meñe kōn [kōj] make ak ippān baamļe eo [ad]. . . . Kōllaajrak ko ilo kein jipañ in [ekāal] rej ellaajrak ekkar nān juon jikejuuļ . . . wiik otemjej.”

Katak ko an *Itok, Łoor Eō* eo ekāal an Būraimere kar katakin ilo mṃon jar eo enaaj anōk wōt eja jikejuuļ eo wōt wiik otemjej. Kūlaaj ko an Jabōt Jikuuļ an rūtto im jodikdik ro ilo Jabōt juon im jilu renaaj kōmṃani bwe renaaj rie kein jipañ eo ekāal an mṃweo an *Itok, Łoor Eō*. Ilo Jabōt ruo im emen, rūtto ro ilo priesthood im Doulu eo an Kōrā ro renaaj wōnṃaanļok wōt nān ekkatak katak ko an Ritōl ro an Kabuñ, kōn kōmejaja eo ilo ennaan ko rekāal an rikanaan ro raan kein. Jiroñ ro im likao ro ilo Priesthood eo an Arōn renaaj

ekkatak unin kōnono ko an gospel eo ilo Jabōt kein.

Kein jipañ in ekāal an ekkatak ilo mṃweo ej letok “Łōmṃak ko nān Ekkatak Jeje Ko Rekwojarjar an Baamļe im Nokon in Jota an Baamļe.” Laajrak ko nān kajjojo wiik epād ie Ļōmṃak ko rejipañ an ekkatak im maṃkūt-kūt ko nān kajjojo armej im baamļe ko. *Itok, Łoor Eō* kein jipañ eo nān kajjojo armej im baamļe ko ebarainwōt lōñ pija ko me renaaj jipañ kōkōmṃanļok ekkatak eo an kajjojo armej im baamļe, eļaptata nān ajri ro. Kein jipañ in ekāal enaaj leļok nān kajjojo em ilo Tijemba in iio in.

Būreejtōn Nelson, jān ennaan eo an imāan tata nān ro uwaan Kabuñ in ilo Jānwōde eo, eaar kōketak kōj nān maanjappopo nān Itok eo Kein Karuo an Jisōs Kraist kōn etetal ilo ial in bujen eo.

Jekjek ko an laļ in eļapļok an menin aikuj juon oktak eo emwilalļok an kajjojo armej nān im kōkajoorļok tōmak ilo Jemedwōj Ilañ im Jisōs Kraist im An Pinmuur. Irooj eaar kōpooj kōj, ļain ion ļain, nān iien ko renana me jej kiiō jelmāi. Ilo iio ko jemaanļok, Irooj eaar tōl kōj nān ṅa meļan nūrbōktak ko eļaptata, ekoba men kein:

- Kautiej raan in Jabōt im kaiñi eo ekwojarjar an kwojkwoj eo emōj bar juon alen kōmejajaik ilo iio ko jilu rej jemļokļok.
- Iumwin tōl an bisop eo, kōkajoorļok doulu ko an elder ro im Doulu ko an Kōrā ro rej pedped ion jibadbad eo im eddo ko rekwojarjar kar jitoñi jān Kabuñ in im jipañ ro uwaan kōmṃani im kōjparok bujen ko rekowjarjar.

- Jermal in karejar ilo juon wāween eutieļok im ekwojarjarļok ekar juon okoktak elemōņōņōn.
- Kalimjōk wōt unin jibadbad ko ad jān jino in, bujen ko an tampeļ im jermal in jipaņ an menmenbwij an baamļe rej erom mōttan jibadbad eo an iaļ in bujen eo.

Oktak eo kar kōjellā kake kiiō jibboņ ej bar juon waanjoņak kōn unin tōl eo nān apaņ ko an tōre in ad.

Kein katakin eo iminene kake an Kabuņ in eaar kōmejajaik eņjake eo an Jabōt ilo Kabuņ in. Jejeļā bwe nē emņmanļok ad katakin im an ļapļok an ro uwaan kūlaaj eo pojak ilo jetōb, ewōr juon ad eņjake emņmanļok ilo Jabōt ilo Kabuņ in. Emakijkijļok ad jeraamņan joņan Jetōb eo ej kōļapļok im kōkajoorļok oktak eo ilo ļamļam eo an Kabuņ in.

Laajrak in kein katakin eo ekāāl an pedped an mņweo im rie jān Kabuņ ej aikuj kajoorļok an kareel kautiej kabuņ an baamļe im mņwil im mņanti kautiej

kabuņ an juon make im mņwil. Jejeļā imņwe eo ilo jetōb im oktak eo emņwilaļ im aitok kitien me maroņ bōke ilo ļamļam eo an mōko. Iiō ko ļok, juon ekkatak eaar ejaak bwe nān aolep likao im jiroņ ro kareel eo an Jetōb Kwojarjar ekanooj emakijkij an pād ilo ekkatak jeje ko rekwojarjar an kajjojo armej im jar ilo mōko. Jibadbad eo an ej nān kajokkuun wōt juon eņjake ko ilo Kabuņ in im mņweo ilo juon wāween me enaaj kanooj kōļapļok tōmak im ilo jetōb im kamwilaļļok oktak eo nān Jemedwōj Ilaņ im Irooj Jisōs Kraist.

Oktak eo Emņwilaļ im Aitok Kitien

Kōttōbar eo an oktak kein ej nān bōk juon oktak eo emņwilaļ im aitok kitien an rūtto ro im diktak in epen eo. Peij eo kein kajuon an kein jipaņ eo an kajjojo armej im baamļe ej kwaļok: “Un lelep eo an aolep katak gospel eo im katakin ej nān kamwilaļļok oktak eo ad im jipaņ eromļok āinwōt Jisōs Kraist. . . . Menin ej meļeļe in pedped ioon Kraist nān ukōt

būruwōd.” Menin ej jipaņ jān pukōt-ļok “eļapļok jān juon kūlaaj ruum im kareel ikdeelel ko im mņweo. Ej aikuj jib mņjkōk eo, kijejeto ko aolep raan nān meļeļe im mour kōn gospel eo. Oktak eo emņool ej aikuj kareel eo an Jetōb Kwojarjar.”

Kōttōbar eo eaorōk tata im kōjeraamņan eo āliktata an oktak eo emņwilaļ im aitok kitien ej erro nān bōk bujen ko im kaiņi ko an iaļ in bujen eo.

Kōmij lōke kom nān kapilōk ippān doon im nān kappukōt revelesōn nān kōjerbal oktak kein—ilo jib kappukōt ennaan eo ak kajieoņ kakien ta eo kajjojo armej im baamļe ko. Kakobaba in meļeļe ko renaaj kwaļok ilo kein leto letak meļeļe ko, ekoba leta eo an Būreejtōnji eo Kein Kajuon im epād ilowaan.

Ij kamool nān kom bwe ilo ekōno ko an Kōņņeļ eo an Būreejtōnji eo Kein Kajuon im Doulul eo an Joņoulruo Rijilōk ro ilo tampeļ, im ālkin an rikanaan eo ad ejitōn bōro akweļap ippān Irooj kōn revelesōn nān jino kōmņmane oktak kein, juon kapene ekajoor kar bōke jān aolep. Russell M. Nelson ej Būreejtōn im rikanaan eo ad ejitōn bōro. Kōjellā ko raar kōmņman rainin renaaj tōprak in ilo kōjeraamņan ko reļļap nān ro me rej kōn laudiņdik nōbar oktak ko im kappuōt tōl eo an Jetōb Kwojarjar. Jenaaj erom epaakeļok Jemedwōj Ilaņ im ad Irooj im Rilōmņoor, Jisōs Kraist, ij lukkuun juon rikamool. Ilo etan Jisōs Kraist, amen. ■

NOTE

1. Lale Quentin L. Cook, “Oktak eo Emņwilaļ im Aitok Kitien nān Jemedwōj Ilaņ im Irooj Jisōs Kraist”, Oktoba 2018 General Conference; www.lds.org/languages/mah/content/general-conference/2018/10/deep-and-lasting-conversion-to-heavenly-father-and-the-lord-jesus-christ.



Jikejuuļ an Jabōt in ej letok eļapļok iien nān juon nokon in jota im nān ekkatak gospel eo ilo mņweo ilo Jabōt ak ilo iien ko jet āinwōt an kajjojo armej im baamļe ko maroņ kālet.